



REPUBLIKA E KOSOVËS - REPUBLIKA KOSOVA - REPUBLIC OF KOSOVO
KËSHILLI GJYQËSOR I KOSOVËS - SUDSKI SAVET KOSOVA - KOSOVO JUDICIAL COUNCIL
PANELI ZGJEDHOR PËR ANKESA DHE PARASHTRESA
IZBORNI PANEL ZA ŽALBE I PREDSTAVKE - ELECTION COMPLAINTS AND APPEALS PANEL

ZL.Anr.303/2025

PANELI ZGJEDHOR PËR ANKESA DHE PARASHTRESA (PZAP), i përbërë nga gjyqtarët: Skender Çoçaj - kryesues, Kujtim Pasuli dhe Ramush Bardiqi - anëtarë, duke vendosur përkitazi me ankesën e kandidatës për asamble komunale në Komunën e Klinës, nga radhët e subjektit politik PDK, Rita Permokaj, e paraqitur kundër Komisioni Qendror i Zgjedhjeve (KQZ), për shkak të parregullsive në Qendrën Komunale të Numërimit (QKN), për Zgjedhjet Lokale, të mbajtura më datë 12 Tetor 2025, në seancën e panelit të mbajtur me 24.10.2025, merr këtë:

V E N D I M

HEDHET E PASAFATSHME ankesa ZL.Anr.303/2025, e datës 18.10.2025, e parashtruar nga Rita Permokaj kandidate për asamble komunale në Komunën e Klinës, nga radhët e subjektit politik PDK, e paraqitur kundër Komisioni Qendror i Zgjedhjeve (KQZ), për shkak të parregullsive në Qendrën Komunale të Numërimit (QKN), për Zgjedhjet Lokale, të mbajtura më datë 12 Tetor 2025.

A r s y e t i m

Me datën 22.10.2025, PZAP-i ka pranuar ankesën e dërguar përmes postës me datë 18.10.2025, e Rita Permokaj kandidate për asamble komunale në Komunën e Klinës, nga radhët e subjektit politik PDK, me të cilën pretendon se ka pasur manipulim me votat e saj, ashtu që gjatë numërimit të votave në Qendrën e Numërimit në Klinë, në vendvotimet 0804/01 dhe 0804/02, kanë votuar familjalet e parashtrueses së ankesës, mirëpo votat e tyre nuk i kanë dalur në numërim. Ka kërkuar rinumërimin e votave për vendvotimet 0804/01 dhe 0804/02 në Komunën e Klinës. Ka bashkangjitur kopjen e tij të letërnjoftimit.

Në përgjigjen në ankesë Komisioni Qendror i Zgjedhjeve (KQZ), me datë 22.10.2025, ka deklaruar se, kanë deklaruar se bazuar në nenin 101 të LZP-së Nr.08/L-228, Rregulloren Zgjedhore Nr.16/2024, Qendrat Komunale të Numërimit (QKN), Procedura e Veprimit në Qendrën Komunale të Numërimit për Zgjedhje Lokale 2025, e miratuar më 01.10.2025, Nr.01/2601/2025, përcaktohet procedura e detajuar lidhur me procesin e numërimit në QKN. Rezultatet preliminare nga vendvotimet mund të korrigjohen në Qendrën Komunale të numërimit në përputhje me paragrafin 3 të nenit 14 të Rregullores Zgjedhore Nr.16/2024 për Qendrat Komunale të Numërimit (QKN). Andaj, bazuar në Rregulloren Zgjedhore Nr.13/2024 Rezultatet Zgjedhore nenin 9 paragrafi 1 thekson se: në rast të mospërputhjes së rezultateve, KQZ-ja mund të urdhëroj rinumërimin e votave të cilit do VV, ose edhe përsëritjen votimit në një VV apo QV. Rezultatet përfundimtare të procesit zgjedhor, shpallen nga KQZ-ja pas përfundimit të numërimit të të gjitha fletëvotimeve nga vendvotimet e rregullta; fletëvotimeve nga votimi me kusht; fletëvotimet nga votimi i personave me nevoja

të veçanta; fletëvotimeve nga votimi jashtë Kosovës; vendosjes për ankesat eventuale nga PZAP dhe Gjykata Supreme dhe pas përfundimit të të gjitha procedurave në QNR, ku rezultati i publikuar është i ankimeshëm nga subjekte politike dhe kandidatët të cilët kanë pretendime në raport me numërimin e votave të tyre.

Tutje kanë theksuar se pas pranimit të kërkesës për përgjigje kanë kontaktuar me Komisionin Komunal të Zgjedhjeve (KKZ) të Komunës së Klinës nga i cili kanë marrë përgjigjen si më poshtë: “Ne si KKZ nuk kemi asnjë informatë lidhur me pretendimet e palës dhe nuk mund të deklarojmë lidhur me pretendimet e palës.

Lidhur me pretendimet e palës ankuese për mospërputhje të rezultatit zgjedhor, në kuptim të nenit 117 paragrafi 3 të LZP-së Nr.08/L-228, gjatë shqyrtimit të ankesës është vërejtur se pala ankuese nuk ka bashkëngjitur prova relevante që do të mund të dëshmonin apo mbështesnin pretendimet e mospërputhjes së rezultateve zgjedhore.

Paneli Zgjedhor për Ankesa dhe Parashtrës - PZAP, pas shqyrtimit të ankesës dhe shkresave të lëndës, gjeti se:

- Ankesa është e palejuar (pasafatshme).

Në këtë rast, nga shqyrtimi i shkresave të lëndës, konstatohet se ankesa ZL.Anr.303/2025 është dorëzuar me postë me datë 18.10.2025, ku pretendohet se ka pasur parregullsi në Qendrën Komunale të Numërimit (QKN), është parashtruar pas afatit të përcaktuar ligjor.

Me dispozitën e nenit 105 paragrafi 1, në mënyrë decitive parashihet se “Ankesat lidhur me administrimin e numërimit në QKN dhe QNR, dorëzohen me shkrim pranë PZAP-së brenda dyzet e tetë (48) orëve nga ndodhja e shkeljes së supozuar,” të Ligjit Nr. 08/L-228 për Zgjedhjet e Përgjithshme në Republikën e Kosovës.

Me dispozitën e nenit 9 paragrafi 5 të Rregullores Nr. 01/2025 për Procedurat e Parashtrimit dhe Vendosjes së Ankesave të PZAP-it, parashihet që “ *Personi mund të paraqes ankesë në PZAP, brenda dyzet e tetë (48) orëve për shkeljet e pretenduara*”, ndërsa nën paragrafi 5.16. parashihet që “*Për shkeljet e pretenduara gjatë procesit të administrimit dhe numërimit në QKN dhe QNR*”.

Neni 13, paragrafi 3, nën paragrafi 3.2 i Rregullores Nr.01/2025 për Procedurat e Parashtrimit dhe Vendosjes së Ankesave të PZAP-it, parasheh që: “PZAP-i e hedhë ankesën kur vlerëson se ajo nuk është dorëzuar në afatin e paraparë ligjor.”

Në rastin konkret Paneli vlerëson se parashtruesi i ankesës ka pretenduar se i mungojnë votat dhe ka kërkuar që të verifikohen votat në vendvotimet 0804/01 dhe 0804/02, ndërsa nga të dhënat zyrtare, e po ashtu edhe nga përgjigja e KQZ është vërtetuar se aktiviteti i QKN-së në Komunën e Klinës, është përmbyllur më datë 15.10.2025, në ora 16:00, ndërsa pala ankesën e ka parashtruar më datë 18.10.2025, me çka vërtetohet se ankesat e ankuesit nuk janë paraqitur brenda afatit ligjor siç parashihet me nenin 105, paragrafi 1 të Ligjit për Zgjedhjet e Përgjithshme në Republikën e Kosovës, andaj dhe të njëjtat u deshtë që të hedhen si të palejuara (pasafatshme).

Nga arsyet e theksuara më lartë dhe duke u bazuar nën 105 paragraf 1 i LZP-së, nën 117 paragrafi 3, dhe nën 118 paragrafi 1 të Ligjit Nr.08/L-228 Për Zgjedhjet e Përgjithshme në Republikën e Kosovës lidhur me nën 9 paragrafi 5 nën paragrafi 5.16, nën 13, paragrafi 2, nën 13 paragrafi 3 nën paragrafi 3.2 të Rregullës 01/2025 për Procedurat e Parashtrimit dhe Vendors së Ankesave, paneli vendosi si në dispozitiv të këtij vendimi.

Paneli Zgjedhor për Ankesa dhe Parashtrës

ZL.Anr.303/2025 më datën 24.10.2025

Kryesues i Panelit
Skender Çoçaj



Këshilla Juridike: Kundër këtij vendimi është e lejuar ankesa sipas nën 118 paragrafi 4 të Ligjit Nr.08/L-228 për Zgjedhjet e Përgjithshme në Republikën e Kosovës, në Gjykatën Supreme të Kosovës, brenda dyzet e tetë (48) orëve nga momenti i marrjes-pranimi të këtij vendimi.